

A mostra “Ceibes no Monte” do IES Terra de Turonio chega á 36ª Semana Verde de Silleda.

Escrito por Redaccion @valminorinfo
Mércores, 12 Xuño 2013 11:19



-O traballo realizado polo IES Terra de Turonio en colaboración coas asociacións de gandeiros do Val Miñor, as comunidades de montes e o Concello de Gondomar poderá verse no marco da Feira Internacional [Semana Verde de Silleda](#) do 13 ao 16 de xuño de 2013.

A exposición estará no pavillón 4, dedicado ás razas autóctonas na parte asignada ao cabalo de pura raza galega (PURAGA). Neste pavillón se amosará ademais un abano das razas autóctonas de Galicia como o porco celta, a galiña de Mos, a ovella galega, a cabra galega, o can de palleiro, os bovinos de razas cachena, frieiresa, limiá, caldelá, vianesa, etc.

Ademais haberá varias exhibicións da “rapa das bestas” durante o sábado e o domingo con gandeiros de diferentes zonas de Galicia: curros da Escusa ou San Ramón de Poio (Pontevedra), a rapa de Carreira de Zas (A Coruña) e a rapa de Campodoso de Mondoñedo (Lugo). Tamén se realizará un concurso morfolóxico de cabalos de Pura Raza Galega.

A organización espera que pasen polo pavillón máis de 100.000 persoas que terán a ocasión de contemplar a exposición Ceibes no monte.

Ceibes no Monte

A mostra “Ceibes no Monte” do IES Terra de Turonio chega á 36ª Semana Verde de Silleda.

Escrito por Redaccion @valminorinfo
Mércores, 12 Xuño 2013 11:19

[Ceibes no Monte](#) é un proxecto educativo realizado no IES Terra de Turonio que pretende poñer en valor o patrimonio cultural do entorno do centro. Este proxecto foi premiado polo [Museo do Pobo Galego](#) no ano 2008 e desde o ano 2009 materializouse nunha exposición que contemplou ademais a realización dun documental co mesmo nome. Esta exposición aborda variadas temáticas como o medio natural, o monte comunal, o cabalo de pura raza galega, os curros e os cabalos na arte.

Durante estes anos ten sido exhibida en varios concellos e centros educativos.